

# Հաշվետվություն

2018 թվականի ապրիլի 22-24-ը Ավստրիա (ք. Վիեննա)

գործուղման արդյունքների մասին

## 1. Անուն, ազգանունը՝

Ալիկ Հակոբյան

## 2. Ձբադեցրած պաշտոնը՝

Հայաստանի Հանրապետության առողջապահության նախարարության  
առողջապահական տեսչական մարմնի ղեկավարի տեղակալ

## 3. Գործուղման վայրը և ժամկետները՝

Քաղաք Վիեննա, Ավստրիական Հանրապետություն, 22-24 ապրիլի 2018թ.

## 4. Հրավիրող կողմը՝

Եվրոպայում անվտանգության և համագործակցության կազմակերպություն  
(ԵԱՀԿ)

## 5. Գործուղման նպատակը՝

Մասնակցել Վիեննայում կայանալիք մարդկանց թրաֆիքինգի դեմ պայքարի  
հերթական 18-րդ հանդիպմանը՝ «Յուրաքանչյուր ոք ունի իր  
դերակատարությունը. Ինչպես հասնել փոփոխության միասին» խորագրով:

## 6. Զննարկված թեմաները՝

Կոնֆերանսին շեշտադրվեց մարդկանց թրաֆիքինգի դեմ պայքարի  
ռազմավարությունը և արձագանքը, որը հիմնվում է համապարփակ, ինչպես  
նաև արդյունավետ տեղական, ազգային, տարածաշրջանային, միջազգային  
ու բազմաբնույթ համագործակցության ամրապնդմամբ:

Զննարկվեցին մարդու թրաֆիքինգի, հարկադիր աշխատանքի երևույթի դեմ  
պայքարի ոլորտում կանխարգելիչ միջոցառումներ իրականացնելու  
վերաբերյալ հարցեր: Հնչեցին առաջարկություններ դասընթացներ  
կազմակերպելու վերաբերյալ, որոնք կբարձրացնեն աշխատողների,  
երեխաների իրազեկվածությունը մարդկանց շահագործման,  
աշխատանքային իրավունքների պաշտպանության համատեքստում:  
Իրականացվեց ներկայիս համագործակցության մեխանիզմների  
վերլուծություն:

Առաջարկվեց մեծ ուշադրություն դարձնել աշխատակիցների  
պատրաստվածությանը, մասնավորապես՝ տալ փորձնական  
առաջադրանքներ, ստուգել և ժամանակի ընթացքում կատարելագործել  
մասնագիտական փորձը:

**7. Հանդիպումները, ելույթները, բարձրացված կամ քննարկված հարցերը՝**

Կայացավ հանդիպում մարդկանց թրաֆիքինգի դեմ պայքարի ԵԱՀԿ հատուկ ներկայացուցիչ և համակարգող Մադինա Ջարբուսինովայի հետ, որի ընթացքում քննարկվեցին հարկադիր աշխատանքի երևույթի դեմ պայքարի կանխարգելիչ միջոցառումներ իրականացնելու, մշտապես համագործակցելու և ինֆորմացված լինելու վերաբերյալ հարցեր:

Տեղի ունեցան հանդիպումներ նաև Ֆրանսիայի արդարադատության նախարարության ներկայացուցիչ Պիեռ Պենոդի, ԱՄԿ ներկայացուցիչ Թոմաս Վիսինգի, ԵԱՀԿ համակարգման հարցերով ավագ խորհրդատու Տատյանա Ռուդենկոյի հետ: Քննարկվեցին աշխատողների պատրաստվածության, մասնագիտական փորձի փոխանակման ուղղությամբ միջոցառումներ իրականացնելու վերաբերյալ հարցեր: Հնչեցին առաջարկություններ՝ խրախուսման եղանակներ ներդնել (օրինակ՝ բանկերի կողմից վարկային արտոնություններ) այն կազմակերպությունների համար, որոնք կպահպանեն աշխատանքային օրենսդրությամբ սահմանված նորմերը, կճանաչվեն որպես տարվա լավագույն տնտեսվարող սուբյեկտներ: Ինչպես նաև խոսվեց ինֆորմացված լինելու մասին, մշտապես համագործակցելու բոլոր այն կառույցների հետ (ոստիկանություն, ՊԵԿ, հասարակական կազմակերպություններ), որոնք բաց են թրաֆիքինգի առումով:

ՀՀ ԱՆ ԱՏՄ ղեկավարի տեղակալ Ալիկ Հակոբյանը ներկայացրեց տեսչական մարմնի 2018 թվականի աշխատանքային ծրագիրը, գործունեության և զարգացման հեռանկարները: Մասնակից երկրների պատվիրակները ևս հանդես եկան իրենց ելույթներով, ներկայացնելով իրենց երկրներում կատարված աշխատանքները:

**8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը՝ հարցի վերաբերյալ ընդունվեց հետևյալ որոշումը.**

**Օրակարգի 1-ին կետ**

Մարդու թրաֆիքինգի, հարկադիր աշխատանքի երևույթի դեմ պայքարի ոլորտում կանխարգելիչ միջոցառումներ իրականացնելու վերաբերյալ հարցեր: Ներկայիս համագործակցության մեխանիզմների վերլուծություն:

**Հարցի վերաբերյալ ընդունվեց հետևյալ որոշումը.**

Կայացած քննարկումը, կարծիքների փոխանակումը հետագա գործունեության վերաբերյալ ընդունելի գիտություն:



## **Օրակարգի 2-րդ կետ**

Համապարփակ և միասնական գործընկերության ճանապարհին ներկայացված նորարարական մոտեցումների կարևորությունը և նոր գործընկերային հարաբերությունների կառուցումը՝ մարդկանց թրաֆիքինգի դեմ պայքարի արդյունավետության բարձրացման նպատակով:

## **Օրակարգի 3-րդ կետ**

Առկա համակարգող մեխանիզմների արդյունավետության, հզորացման հնարավոր ուղիների, լիարժեք և բազմակողմանի համագործակցության ստեղծման վերաբերյալ քննարկումներ: Ռազմավարությունների և պրակտիկայի ներդրման ուղղությամբ առաջարկություններ:

### **Հարցի վերաբերյալ ընդունվեց հետևյալ որոշումը.**

Ի գիտություն ընդունել քննարկումները և առաջարկությունները, ստեղծել փորձի փոխանակման արդյունավետ մեխանիզմներ՝ ԵԱՀԿ ուսուցման ծրագրի մասնակիցների բազմապրոֆիլային մոտեցումների հիման վրա: **Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները՝**

Վիեննայում կայացած մարդկանց թրաֆիքինգի դեմ պայքարի հերթական 18-րդ հանդիպման 2018թ. աշխատանքային ծրագրով նախատեսված միջոցառումների իրականացում, այդ թվում հարկադիր աշխատանքի երևույթի դեմ պայքարի կանխարգելիչ միջոցառումների իրականացում, համագործակցության մեխանիզմների վերլուծություն:

**Գործուղվողը, ստորագրությունը, ամսաթիվը՝**

Ալիկ Հակոբյան

03.05.2018թ.

